



Concello de Vilaboa

O 25 de novembro conmemórase o día internacional da eliminación da violencia contra as mulleres.

Como cada 25 de novembro, volvemos a manifestar o compromiso do Concello de Vilaboa para a erradicación da violencia contra as mulleres.

No que levamos de 2024, en España 40 mulleres foron asasinadas por violencia de xénero, 1.284 mulleres desde o ano 2003, en Galicia temos xa a 4 mulleres asasinadas vítimas de violencia machista e unha media de 19 denuncias ao día. Vilaboa non é allea a esta realidade, no noso Concello tamén hai mulleres ameazadas e maltratadas e menores vítimas de violencia vicaria.

Segundo a macro enquisa de violencia contra a muller de 2019, o 14,2% das mulleres españolas (2.905.489 mulleres) sufriu violencia física e/o sexual dalgunha parella, actual ou pasada, nalgún momento da súa vida. O 1,8% (374.175 mulleres) sufriu violencia física e/o sexual dalgunha parella, actual ou pasada, nos últimos 12 meses. E unha de cada dúas mulleres sufriu algún tipo de violencia machista ao longo da súa vida.

Segundo o recente informe presentado no Parlamento de Galicia polo Fiscal Superior de Galicia, os procedementos por violencia de xénero incoados por fiscalía aumentaron case un 13% en Galicia no ano 2023. As ordes de protección e as medidas de cautela solicitadas tamén se incrementaron nun 2,5 %, de forma que en Galicia hai 5.668 casos activos no sistema VioGén do Ministerio de Interior, o mecanismo de seguimento integral das vítimas.

Unhas cifras terribles e incompatibles coa democracia e que agochan tras de si as vidas truncadas de mulleres, dos seus fillos e fillas, das súas familias e amizades.

A violencia machista é a representación máis extrema da desigualdade que existe entre homes e mulleres. Unha violencia estrutural que supón un atentado contra os dereitos humanos que se sucede en todos os países do mundo. A día de hoxe, non existe ningunha sociedade no mundo libre de violencia contra as mulleres.

Concello de Vilaboa



Concello de Vilaboa

Este 28 de decembro de 2024, España celebrará 20 anos desde a aprobación da Lei Integral de Loita Contra a Violencia de Xénero. Unha lei que marcou e consolidou un cambio de paradigma respecto a violencia de xénero ao considerala, de maneira formal, unha cuestión de Estado.

Non nos podemos esquecer que durante moitos anos a violencia de xénero enmarcouse dentro da esfera privada. Un espazo que pertencía ao ámbito privado das familias e no que se rexeitaba calquera intervención dos poderes públicos. Como consecuencia, a violencia de xénero foi invisible e silenciada durante moito tempo, atrapando nos ciclos de violencia machista a miles e miles de mulleres.

A loita por converter á violencia de xénero nun problema social e de Estado foi ardua e extensa. Unha loita na que as asociacións feministas desempeñaron un papel fundamental ata que a Lei Integral de Violencia de Xénero se fixo realidade. Debemos lembrar que a Lei Integral foi unha reivindicación histórica do movemento feminista. Supuxo a mobilización de todos os recursos públicos, non só a elaboración de leis específicas, senón tamén, a dotación orzamentaria e a inclusión de todos os niveis da Administración Pública, xa sexa estatal, autonómico e local.

Pasaron vinte anos e neste tempo de vixencia desenvolveuse, corrixíronse fallos e mellorouse, ademais complementouse coa aprobación da Lei de mellora da situación de orfandade das fillas e fillos de vítimas de violencia de xénero e a aprobación do Pacto de Estado en decembro de 2017, outro dos grandes fitos de loita contra a violencia de xénero e que este ano debe ser renovado.

Sen dúbida este Pacto de Estado Contra a Violencia de Xénero é clave para o avance na erradicación da violencia de xénero, e o seu éxito radica en que foi ratificado por distintos Grupos Parlamentarios, Goberno, Comunidades Autónomas, Cidades Autónomas e as entidades locais representadas na Federación Española de Municipios e Provincias (FEMP).

Reivindicamos neste 25 de novembro a necesaria e pronta renovación do Pacto

Concello de Vilaboa



Concello de Vilaboa

de Estado e queremos que sexa por consenso de todos os partidos políticos e institucións.

Nesta renovación debemos prestar especial atención ás mulleres do ámbito rural como as do noso concello, onde a violencia machista é máis silenciada e invisible, ás mulleres con algunha discapacidade, as mulleres maiores, e outros colectivos de mulleres en situación de maior vulnerabilidade ante a violencia.

Non podemos saber cantas mulleres contribuíu a protexer a Lei integral, pero hainas, moitas. Do mesmo xeito que hoxe as vítimas non están soas e teñen multitude de recursos para acompañalas e saír da espiral da violencia. Por todas elas, nin un paso atrás.

A pesares de que cada vez son máis os recursos destinados a loitar contra a violencia machista e a protexer as mulleres vítimas, non podemos obviar que algo está a fallar. A violencia machista constitúe hoxe o principal obstáculo para sermos unha sociedade plenamente democrática e os gobernos de todas as administracións deberían situar esta preocupación nun lugar prioritario das súas axendas políticas. O Convenio de Istambul entende a “violencia contra as mulleres” como unha violación dos dereitos humanos e unha forma de discriminación contra as mulleres, e engloba todos os actos de violencia baseados no xénero que implican ou poden implicar para as mulleres danos ou sufrimentos de natureza física, sexual, psicolóxica ou económica, incluídas as ameazas de realizar os devanditos actos, a coacción ou a privación arbitraria de liberdade, na vida pública ou privada.

A Lei 11/2007, do 27 de xullo, galega para a prevención e o tratamento integral da violencia de xénero, considera formas de violencia de xénero a violencia física, psicolóxica e económica; violencia, abuso e acoso sexual; a trata de mulleres e nenas con fins de explotación sexual; a violencia vicaria exercida utilizando aos/ás menores; violencia de xénero dixital ou violencia en liña contra a muller; a explotación sexual; e calquera outra forma de violencia recollida nos tratados internacionais que lesione ou sexa susceptible de

Concello de Vilaboa



Concello de Vilaboa

lesionar a dignidade, a integridade ou liberdade das mulleres.

Todas as administracións, cada unha dende as súas competencias, debemos facer forza en tres ámbitos principais de actuación:

a) **A prevención**, a través da educación regrada, mediante a ensinanza de temas como a igualdade entre mulleres e homes, os papeis non estereotipados por razón de xénero, o respecto mutuo, a solución non violenta de conflitos nas relacións interpersoais, a violencia machista contra as mulleres, o dereito á integridade persoal, violencia sexual, pornografía, prostitución... adaptando estes contidos á fase de desenvolvemento do alumnado.

b) **A sensibilización e a información** tratando as necesidades específicas das persoas que sexan potencialmente vulnerables debido a circunstancias particulares, para que a sociedade se implique na loita contra a violencia machista e para que as vítimas coñezan os recursos cos que contan

c) **A protección e apoio asistencial** ás vítimas de violencia machista a través dunha coordinación axeitada que permita responder ás necesidades específicas da muller que dá o paso de denunciar.

Quedan moitas cousas por facer, non é fácil o camiño, pero nunca nos sairemos del. Por todas as mulleres, as vivas e as asasinadas.

Os concellos tamén temos as nosas responsabilidades e debemos velar por elas. Por iso, hoxe 25 de novembro, queremos:

1. Ratificar o compromiso de Vilaboa coa loita contra todas as expresións da violencia machista, expresado no I Plan de Igualdade do persoal ao servizo do Concello de Vilaboa e o Protocolo de Acoso e no Plan de Igualdade para a cidadanía 2022-2026
2. Seguir apostando nos orzamentos anuais por desenvolver accións que permitan cumprir os obxectivos de previr, sensibilizar e protexer e as actuacións previstas nos Plans de Igualdade.

Concello de Vilaboa



Concello de Vilaboa

3. Reclamar do goberno central o incremento da participación do Concello nas axudas do estado relacionadas coa loita contra a violencia machista.
4. Esixir a Xunta de Galicia que axude ao Concello de Vilaboa e as entidades locais máis pequenas a obter recursos para poder contratar Axentes de Igualdade que poidan traballar sobre o terreo nas materias de formación, información, asesoramento ás mulleres vítimas e prevención e sensibilización.